

欽定授時通考

欽定授時通考

欽定授時通考

目錄

卷一

天時門

總論上

卷二

天時門

總論下

卷三

天時門

春

卷四

天時門

夏

卷五

天時門

秋

卷六

天時門

冬

卷七

土宜門

彙考

卷八

土宜門

方輿圖說

卷九

土宜門

辨方

卷十

土宜門

物土

卷十一

田制上

土宜門

卷十二

田制下

土宜門

卷十三

田制圖說上

土宜門

卷十四

田制圖說下

土宜門

卷十五

水利一

土宜門

卷十六

土宜門

水利二

卷十七

土宜門

水利三

卷十八

土宜門

水利四

卷十九

穀種門

彙考

嘉禾瑞穀瑞麥

卷二十

穀種門

御稻米

稻一

卷二十一

穀種門

稻二

卷二十二

穀種門

稻三

卷二十三

穀種門

粱 稷

卷二十四

穀種門

黍

卷二十五

穀種門

粟

卷二十六

穀種門

麥

卷二十七

穀種門

豆一

卷二十八

穀種門

豆二

卷二十九

穀種門

豆三

卷三十

穀種門

麻

卷三十一

功作門

彙考

卷三十二

功作明

墾耕



卷三十三

耜勞

功作門

卷三十四

播種

功作門

卷三十五

淤蔭

功作門

卷三十六

耘耔

功作門

卷三十七

灌溉

功作門

卷三十八

功作門

泰西水法

卷三十九

功作門

收穫

卷四十

功作門

攻治

卷四十一

功作門

牧事

附

卷四十二

勸課門

彙考

卷四十三

勸課門

詔令

卷四十四

勸課門

章奏

卷四十五

勸課門

官司

卷四十六

勸課門

祈報

卷四十七

勸課門

敕諭一

卷四十八

勸課門

敕諭二

卷四十九

勸課門

祈穀

耕藉

卷五十

勸課門

御製詩文

卷五十一

勸課門

御製詩文

卷五十二

勸課門

耕織圖上

卷五十三

勸課門

耕織圖下

卷五十四

蓄聚門

彙考

卷五十五

蓄聚門

常平倉

卷五十六

蓄聚門

社倉

義倉

卷五十七

蓄聚門

圖式

卷五十八

農餘門

彙考

卷五十九

農餘門

蔬一

卷六十

農餘門

蔬二

卷六十一

農餘門

蔬三

卷六十二

農餘門

蔬四

卷六十三

農餘門

果一

卷六十四

農餘門

果二

卷六十五

農餘門

果三

卷六十六

農餘門

果四

卷六十七

農餘門

木一

卷六十八

農餘門

木二

卷六十九

農餘門

雜植

卷七十

農餘門

畜牧一

卷七十一

農餘門

畜牧二

卷七十二

蠶桑門

彙考

制居

浴種

卷七十三

蠶桑門

飼養

卷七十四

蠶桑門

分箔

入簇

擇繭

卷七十五

蠶桑門

繰絲

織染

卷七十六

蠶桑門

桑政



卷七十七

蠶桑門

桑餘

卷七十八

蠶桑門

桑餘

欽定授時通考卷五

天時

秋

書堯典分命和仲。宅西。曰昧谷。寅餞納日。平秩西成。

**傳**昧。冥也。日入於谷而天下冥。發曰昧谷。此居治西方之官。掌秋天之政也。餞。送也。日出壽導。日入言送。因事之宜。秋西方萬物成。平序其政。助成物。

宵中星虛。以殷仲秋。厥民夷。鳥獸毛毳。

**傳**宵。夜也。春言日。秋言夜。互相備。虛。元武之中星。亦言七星。皆以秋分日見。以正三秋。夷。平也。老壯在田。與夏平也。毳。理也。毛更生整理。

春秋襄公五年秋大雩。左傳秋大雩旱也。

注雩夏祭所以祈甘雨若旱則又修其禮故雖秋雩非書過也。

大戴禮方秋三月收斂以時於時有事嘗新於皇祖皇考食農夫九人以成秋事。

書傳主秋者虛昏中可以種麥。

莊子正得秋而萬寶成。

農桑通訣立秋之節初五日涼風至次五日白露方降。後五日寒蟬鳴次處暑氣初五日鷹乃祭鳥次五日天地始肅後五日禾乃登次仲秋白露之節初五日鴻雁來次五日元鳥歸後五日羣鳥養羞次秋分氣初五日。

雷乃收聲。次五日。蟄蟲坏戶。後五日。水始涸。次季秋寒露之節。初五日。鴻雁來賓。次五日。雀入大水爲蛤。後五日。菊有黃花。次霜降氣。初五日。豺乃祭獸。次五日。草木黃落。後五日。蟄蟲咸俯。凡此六氣一十八候。皆秋氣正收歛之令。

占驗

史記天官書辰星之色。秋青白而歲熟。

春秋繁露王者心不能容。則稼穡不成。而秋多雷。雷者。土氣也。其音宮也。故應之以雷。

戎事類占秋甲子雷。歲凶。秋月暴雷。謂之天收百穀。虛耗不成。

田家五行。秋天雲陰。若無風。則無雨。

七月

立秋 處暑

詩幽風。七月流火。

箋。大火者。寒暑之候也。火星中而寒暑退。故言寒先著火所在。疏。服虔云。火。大火心也。季冬十二月平旦。正中在南方。大寒退。季夏六月黃昏。火星中。大暑退。是火爲寒暑之候事也。

又七月烹葵及菽。

疏。葵菽當烹煮乃食。

禮記月令。孟秋之月。日在翼。昏建星中。旦畢中。

註。孟秋日月會于鶉尾。斗建申之辰。

其日庚辛。其帝少皞。其神蓐收。

〔註〕庚之言更也。辛之言新也。日之行秋。西從白道。成熟萬物。月爲之佐。萬物皆肅然。改更秀實。新成。少皞。金天氏也。蓐收。少皞氏之子。曰該。爲金官。

〔又〕涼風至。白露降。寒蟬鳴。鷹乃祭鳥。

陳澔曰。此記申月之候。

〔又〕是月也。以立秋。先立秋三日。太史謁之。天子曰。某日立秋。盛德在金。天子乃齊。立秋之日。天子親帥三公九卿諸侯大夫。以迎秋於西郊。

〔又〕是月也。農乃登穀。天子嘗新。先薦寢廟。

〔又〕命百官始收斂。完隄防。謹壅塞。以備水潦。

陳澔曰。所以爲水潦之備者。酉中有畢星好雨也。  
春秋繁露嘗者。七月嘗黍稷也。

陶朱公書稻田立秋後不添水。晒十餘日。謂之擱稻。

東京夢華錄中元前一日。卽賣練葉。享祀時鋪觀桌面。  
又賣麻穀窠鬼。亦是繫在桌子脚上。乃告祖先秋成之  
意。十五日。供養祖先素食。纔明卽賣糝米飯。巡門叫賣。  
亦告成意也。

齊民要術七月四日。命置麴室。具箔槌取淨艾。六日饌  
治五穀磨具。七日遂作麴。及曝經書與衣。作乾糗。搯蔥  
耳。處暑中向秋節。浣故製新作。捨薄以備始涼。糶大小  
麥豆。收縑練。

栽種。蕎麥 蒿菜 蔥 苜蓿 蘿蔔 菠菜

宜月未日。

赤豆 姜 菜 蔓青 早菜 冬菜 芥菜

前立秋

雜事。斫伐竹木 分蘗 剝棗 刈草 作澆 耕

菜地 秋耕宜早恐霜後掩入陰氣 收黃葵花

治湯

火傷。七月七日晒曝革裘無蟲

收藏。採松子 割藍 米醋 醃豉 茄乾 瓜乾

瓜種 瓜蒂 紫蘇 地黃 角蒿

可辟蛙。

花椒

荆芥 松栢子 糟茄 糟瓜 醬瓜 荷葉

楮子 芙蓉葉

治種。

占驗

禮記月令孟秋行冬令則陰氣大勝介蟲敗穀戎兵乃

欽定授時通考卷五 天時 秋

四



來。行春令。則其國乃旱。陽氣復還。五穀無實。行夏令。則國多火災。寒熱不節。民多瘧疾。

易通卦驗。離氣見立秋分。則歲大熟。

月令占候圖。立秋坤卦用事。晡時申西南涼風至。黃雲如羣羊。宜粟穀。望西南坤上有黃雲氣。是正氣。立秋應節。萬物皆榮。豆穀熟。

又立秋日午時。豎竿影。得四尺五寸二分半。玉穀熟。望氣經。七月三日有霧。歲熟。

紀歷撮要。立秋日天氣晴明。萬物多不成熟。

又立秋日要西南風。主稻禾倍收。三日三石四石。立秋日雷。名躡躡。損晚禾。亦名秋霹靂。主晚稻秕。

原书缺页

又立秋日小雨吉。大雨主傷禾。

又七月有雨。名洗車雨。主八月有蓼花。諺云。七月七。無洗車。八月八。無蓼花。

八月 白露 秋分

詩幽風 八月萑葦。

傳。亂爲萑。葭爲葦。豫蓄萑葦。可以爲曲薄也。

又 八月其穫。

疏 八月其禾可刈穫也。

又 八月剝棗。

疏 棗須就樹擊之。

八月斷壺。

原书缺页

又五間南呂贊陽秀物也。

註南任也。陰任陽事。助成萬物也。

夏小正八月剝瓜。

傳蓄瓜之時也。

漢書五行志于易雷以八月入。其卦曰歸妹。言雷復歸入地。則孕毓根核。保藏蟄蟲。避盛陽之害。

舊唐書神龍元年改秋社用仲秋。

唐書歷志秋分後五日。日在氏十三度。龍角盡見。時雨可以畢矣。

六典旱甚則修雩。秋分以後。雖旱不雩。

宋書禮志祠大社。帝太稷。常以歲八月。秋社日祠之。

金史食貨志金宣宗元光元年。京南司農卿李蹊言。按齊以要術。麥晚種則粒小而不實。故必八月種之。今南方輸秋稅。皆以八月爲終限。若輸遠倉。及泥淖往返。不下二十日。使民不暇趨時。乞寬徵歛之限。使先盡力於二麥。不從。

管子以夏日至始。數九十二日。謂之秋至。秋至而禾熟。淮南子秋分簞定。簞定而禾熟。

註簞禾穗粟孚甲之芒。定者成也。

東京夢華錄八月秋社。各以社糕社酒相齎送。貴戚宮院。以猪羊肉。腰子。嬾房。肚肺。鴨餅。瓜姜之屬。切作碁子片樣。滋味調和。鋪于飯上。謂之社飯。

孝經援神契仲秋穰禾拜祭社稷。

內經寒風曉暮蒸熱相薄草木凝烟濕化不流則白露  
陰布以成秋令。

又金鬱之發夜零白露林莽聲悽。

註夜濡白露曉聽風悽乃秋金發徵也。

說文酉爲秋門萬物巳入。

易通卦驗秋分日入酉白氣出直兌此正氣也。

又白露黃陰雲出秋分白陰雲出。

白虎通律中南呂南者任也言陽氣尚有任生齊麥也。  
故陰拒之也。

齊民要術崔實曰凡種大小麥得白露節可種薄田秋

分種中田。後十日種美田。

〔又〕八月暑退。涼風戒寒。趨練緜帛。染綵色。擘絲治絮。製新浣故。及韋履賤好。預買以備冬寒。刈萑葦芻茭。涼燥可上弓弩。繕理槩鋤。正縛鎧絃。遂以習射。弛竹木弓。弧糶種麥糶黍。

栽種。大蒜 罌粟 寒豈 苦蕒 苧麻 蔓菁

諸般菜 葱子 大麥 牡丹 芍藥 分蘗根

芥子 麗春 小麥 麥 淤芋根 木瓜 花椒

收藏。醋姜 茄醬 茄乾 糟茄 棗子 淹韭

晚黃瓜 地黃酒 芝蔴 栗子 柿子 韭花

柿漆 斫竹



移植。早梅。橙橘。枇杷。牡丹。

雜事。蹈麩。鋤竹園地。是月防霧傷棗。棗熟着霧則多損。糝蔴散絃於樹枝上。則可辟霧氣。或用稽稈於樹上四散絃縛亦得。

田家五行。八月中旬作熱。謂之潮熱。又名八月小春。

田家雜占。八月中氣前後起西北風。謂之霜信。未風先雨。謂之料信雨。

農桑通訣。八月社前。即可種麥。麥經兩社。即倍收而堅好。

農政全書。種麥。八月白露節後。逢上戊爲上時。中戊爲中時。下戊爲下時。

又八月早禾怕北風。晚禾怕南風。朔日晴。主冬宜薑。暑得雨宜麥。一云風雨宜麥。又云凡朔要晴。唯此月要雨。好種麥。白露雨爲苦雨。稻禾霑之則白颯。蔬菜霑之則味苦。諺云。白露日個雨。來一路。苦一路。又云白露前是雨。白露後是鬼。其時之雨。片雲來便雨。稻花見日吐出。陰雨則收。正吐之時。暴雨忽來。卒不能收。遂致白颯之患。若連朝雨。反不爲災。不免擔閣吐秀。有皮殼厚之病。

占驗

禮記月令。仲秋行春令。則秋雨不降。草木生榮。國乃有恐。行夏令。則其國乃旱。蟄蟲不藏。五穀復生。行冬令。則

風災數起。收雷先行。草木早死。

京房易候。虹八月出西方。粟貴。

通攷朔日值白露。果穀不實。值秋分。主物價貴。

又秋分諺云。分社同一日。低田盡叫屈。秋分在社前。斗米換斗錢。秋分在社後。斗米換斗豆。

楊升菴集。蜀西南多雨。名曰漏天。杜子美詩。鼓角漏天東。是也。自秋分後。遇壬。謂之入露。吳下曰入液。

談叢。中秋無月。則兔不孕。蚌不胎。蕎麥不實。兔望月而孕。蚌望月而胎。蕎麥得月而秀。

又八月一日雨。則角田下熟。角田。豆也。

經鉏堂雜誌。八月一日雁門開。懶婦催將刀尺裁。

嘉定縣志

秋分在社日前。則田有收而穀賤。後則無收。

而穀貴。諺云。分後社。白米徧天下。社後分。白米如錦墩。

又八月二十四日爲稻藁生日。雨則雖得穀。藁必腐。

農政全書秋分要微雨。或天陰最妙。主來年高低田大

熟。喜雨諺云。麥秀風搖。稻秀雨澆。此言將秀得雨。則

堂肚大。穀穗長。秀實之後雨。則米粒圓。見收數。畏早

諺云。田怕秋乾。人怕老窮。秋熱損稻。旱則必熱。怕秋

水潦。稻諺云。雨水滄沒產。全收不見半。八月又作新

涼。諺云。處暑後十八盆湯。又云。立秋後四十五日。浴

堂乾。十八日潮生日。前後有水。謂之橫港水。

九月

寒露

霜降

天時 秋

詩唐風蟋蟀在堂歲聿其暮。

**傳**蟋蟀。蝥也。**箋**蝥在堂歲時之候。是時農功已畢。

**又**蟋蟀在堂。役車其休。

**箋**庶人乘役車。役車休。農功畢。無事也。**疏**春官中車

注云。役車方箱。可載任器。以供役。收納禾稼。亦用此車。故役車休息。是農功畢無事也。

**豳風**九月授衣。

**箋**九月霜降始寒。蠶績之功成。可以授衣矣。

**又**九月叔苴。

**疏**叔。拾也。苴。麻之有實者也。以麻九月初熟。拾取以供羹菜。其在田收穫者。猶納倉以供常食也。

又九月築場圃。

**箋**場圃同地。自物生之時。耕治之以種菜茹。至物盡成熟。築堅以爲場。

又九月肅霜。

**傳**肅縮也。霜降而收縮萬物。

**禮記月令**季秋之月。日在房。昏虛中。旦柳中。

**註**季秋日月會于大火。斗建戌之辰。

又鴻雁來賓。爵入大水爲蛤。鞠有黃花。豺乃祭獸戮禽。陳澔曰。此記戌月之候。雁以仲秋先至者爲主。季秋後至者爲賓。爵爲蛤。飛物化爲潛物也。鞠色不一而專言黃者。秋令在金。鞠色以黃爲正也。祭獸者。祭之。

于天戮禽者殺之以食也。

又是月也。霜始降。

又草木黃落。乃伐薪爲炭。蟄蟲咸俯。在內皆墜其戶。

疏俯。垂頭向下。以隨氣陽也。墜塗也。塗塞其戶穴。以避地上陰氣也。

天子乃以犬嘗稻。先薦寢廟。

國語。天根見而水涸。

註。天根。亢氏之間也。涸。竭也。謂寒露雨畢之後。五日。天根朝見。水潦盡竭也。

本見而草木節解。

註。本。氏也。謂寒露之後。十日。陽氣盡。草木之枝節皆

理解也。

夏小正樹麥。

傳鞠榮而樹麥。時之急也。

春秋繁露季秋九月。陰乃始多于陽。天乃于是時出凜下霜。

說文戊滅也。九月陽氣微。萬物畢成。陽下入地也。

易通卦驗寒露。正陰雲出。如冠纓。霜降。太陽雲出。上如羊。下如礪石。

三禮義宗寒露者。九月之時。露氣轉寒也。

又九月霜降爲中。露變爲霜。故以爲霜降節。

齊民要術大豆。九月中。候近地葉有黃落者。速刈之。



〔註〕葉少不黃。必沍鬱。刈不速。逢風則葉落盡。遇雨澤爛不成。

〔又〕茄子九月熟時。摘取擘破。水淘子。取沉者速曝乾。裹置。至二月畦種。

〔又〕九月治場圃。塗困倉。修竇窖。繕五兵。習戰射。以備寒凍窮厄之寇。存問九族。孤寡老病不能自存者。分厚撤重。以救其寒。

栽種。椒 菊 茱萸 地黃 蠶豆 牡丹 水仙

初。月 柿 蒜 萱草 芥菜 苡麥 芍藥 罌

粟。日。諸般冬菜

分栽。櫻桃 桃 楊

移植。枇杷 橙 雜果木

收藏。栗 諸色豆稈 五穀種 油麻 甘蔗 梔

子 紫蘇 木瓜 韭子 牛旁子 冬瓜子 葇

豆 茄種 栗子 枸杞 榧子 皂角 黃菊

槐子 蟹殼治產後見枕疼。 茶子 紫草子

雜事。掘薑出土 草包石榴橘栗蒲桃 米菊 築

墻圃 斫竹木 斫苧 收雞種

**續本事詩**北方白雁似雁而小。色白。秋深乃來。白雁至。則霜降。河北人謂之霜信。杜甫詩云。故國霜前白雁來。謂此。

**嘉興縣志**九月藝麥豆栽桑築場。亦謂之忙月。

占驗

禮記月令季秋行夏令則其國大水冬藏死敗民多飢噫行冬令則國多盜賊邊竟不寧地土分裂行春令則暖風來至民氣解惰師興不居。

師曠占粟米常以九月爲本若貴賤不時以最賤之日爲本粟以秋得本貴在來夏以冬得本貴在來秋此收穀遠近之期也。

戎事類占自一日至九日以日占月遇此日風則此月穀貴九月雷主穀貴。

又霜不下則來年三月多陰寒多雨主米貴。

文林廣記九月庚辰辛卯日雨主冬穀貴一倍。

又虹以九月出西方。大小豆貴。又朔日虹見。麻貴。油貴。雜占。朔日值寒露。主冬寒嚴凝。值霜降。主歲歉。

又朔日風雨。主春旱。夏雨。芝麻貴。又朔日東風半日不止。主米麥貴。

又九月上卯日北風來。年三七月米大貴。東風亦然。西北平平。

又十三日晴。則冬晴柴賤。

田家五行。重九日晴。則冬至元日上元清明。四日皆晴。雨則皆雨。諺云。重陽無雨。一冬晴。又諺云。九日雨。米成脯。又云。重陽濕漉漉。穰草錢千束。

四時占候。九月雨大宜收禾。又云。九月九日是雨歸路。

日有雨來年熟。

嘉定縣志九月十三爲稻蘿生日。宜晴。又云十三晴。不如十四靈。十四晴。釘靴掛斷鼻頭繩。

農政全書九月初有雨多。謂之秋水。中氣前後起西北風。謂之霜降信。有雨謂之濕信。未風先雨。謂之料信。雨霜降前來信。易過善。後來信必嚴毒。此信乾濕。後信必如之。諺云。霜降了布衲著得。言已有暴寒之色。

欽定授時通考卷六

天時

冬

**書堯典**申命和叔宅朔方日幽都平在朔易。

**傳**北稱朔亦稱方都謂所聚也易謂歲改易於北方。

平均在察其政以順天常**疏**一歲之事在東則耕作。

在南則化育在西則成熟在北則改易故以方各配。

歲事爲文言順天時氣以勸課人務也春則生物秋。

則成物日之出也物始生長人當順其生長致力耕。

耘日之入也物皆成熟人當順其成熟致力收斂東。

方之官當恭敬導引日出平秩東作之事使人耕耘。

西方之官。當恭敬從送日入。平秩西成之事。使人收歛日之出入。自是其常。但由日出入。故物有生成。雖氣能生物。而非人不就。勤於耕稼。是導引之。勤於收藏。是從送之。平秩南訛。亦是導日之事。平在朔易。亦是送日之事。依此春秋而共爲賓餞。勸課下民。皆使致力。是敬導之。平均次序。卽是授人田里。各有疆場。是平均之也。

日短星昴。以正仲冬。厥民隩。鳥獸氄毛。

**傳**日短。冬至之日。昴白虎之中星。亦以七星並見。以正冬之三節。隩室也。民改歲入此室處。以辟風寒。鳥獸皆生。奕毳細毛。以自溫焉。

詩幽風一之日。觶發。二之日。栗烈。

**傳**一之日。周正月也。觶發。風寒也。二之日。殷正月也。栗烈。氣寒也。**疏**仲冬之月。待風乃寒。季冬之月。無風亦寒。

小雅上天同雲。雨雪雰雰。

**傳**雰雰。雪貌。豐年之冬。必有積雪。**疏**明年將豐。必有積雪。爲宿澤也。

左傳襄公十三年。冬。城防。書事時也。於是將早城。臧武仲請俟。畢農事。禮也。

**注**土功雖有常節。通以事間爲時。

大戴禮方冬三月。草木落。庶虞藏。五穀必入於倉。於時



有事。烝於皇祖。皇考。息國老六人。以成冬事。

**書傳**主冬者。昴昏中可以收斂。

**農桑通訣**立冬之節。首五日。水始冰。次五日。地始凍。後五日。雉入大水爲蜃。次小雪。中氣。初五日。虹藏不見。次五日。天氣騰。地氣降。後五日。閉塞而成冬。次仲冬。大雪節氣。初五日。鶡鳴不鳴。次五日。虎始交。後五日。荔挺出。次冬至。中氣。初五日。蚯蚓結。次五日。麋角解。後五日。水泉動。次季冬。小寒節氣。初五日。雁北鄉。次五日。鵲始巢。後五日。雉始鳴。次大寒。中氣。初五日。鷄始乳。欸冬華。次五日。征鳥厲疾。後五日。水澤腹堅。凡此六氣一十八候。皆冬氣正養藏之令。

十月 立冬 小雪

**詩** 爾風 十月穫稻。爲此春酒。以介眉壽。

**傳** 春酒。凍醪也。**疏** 穫稻爲酒。唯助養老。

**又** 十月滌場。朋酒斯饗。日殺羔羊。躋彼公堂。稱彼兕觥。萬壽無疆。

**箋** 十月民事男女俱畢。無饑寒之憂。國君閒於政事。而饗群臣。

**禮記** 月令 孟冬之月。日在尾。昏危中。旦七星中。

**註** 孟冬。日月會于析木之津。斗建亥之辰。

其日壬癸。其帝顓頊。其神元冥。

**註** 壬之言任也。癸之言揆也。日之行東北從黑道。閉

藏萬物。月爲之佐。時萬物懷任于下。揆然萌芽。顓頊高陽氏也。元冥少皞氏之子。曰脩。曰熙。爲水官。

又水始冰。地始凍。雉入大水爲蜃。虹藏不見。

陳澔曰。此記亥月之候。蜃蛟屬。此飛物化爲潛物也。虹非有質而曰藏。言其氣之下伏也。

又是月也。以立冬。先立冬三日。太史謁之。天子曰。某日立冬。盛德在水。天子乃齊。立冬之日。天子親帥三公九卿大夫。以迎冬于北郊。

又天氣上騰。地氣下降。天地不通。閉塞而成冬。

又命有司。循行積聚。無有不斂。

注謂斂禾薪蒸之屬。

又天子乃祈來年於天宗。

**注**此周禮所謂蜡祭也。天宗謂日月星辰也。

**郊特牲**天子大蜡八。伊耆氏始爲蜡。蜡也者。合聚萬物而索饗之也。蜡之祭也。主先嗇而祭司嗇也。饗農及郵表啜禽獸仁之至。義之盡也。迎貓爲其食田鼠也。迎虎謂其食田豕也。祭坊與水庸事也。曰土反其宅。水歸其壑。草木歸其澤。

**注**歲十二月。周之正數。謂建亥之月也。

**白虎通**律中應鐘。鐘動也。言萬物應陽而動下藏也。

**三禮義宗**十月立冬爲節者。冬終也。立冬之時。萬物終成。因爲節名。十月小雪爲中者。氣敘轉寒。雨變成雪。故

以小雪爲中。

齊民要術十月培築垣墻。塞向墜戶。上辛命典饋漬麩

釀冬酒作脯腊。先冰凍。作涼飭煮曝飼。可折麻緝績布

縷。作白履不惜。草履之賤者。曰不惜。賣縑帛弊絮。糴粟豆麻子。

移植。橙 柑 橘

栽種。大小荳 春菜 生薑 蘿蔔

收藏。地黃 碧蓬菜 天蘿子 茶子 橘皮 天

豆 栗子 薏苡 椒 冬瓜子 芙蓉條 石橘

蘿蔔 山藥 枸杞 皂角 苧

雜事。移葵 接花果 澆灌花木 穫稻 納禾稼

開磚 煮膠 收炭 造牛衣 修牛馬 塞北

戶 用蓋爐 石塔砌 收二桑葉 壅苧麻 耘  
麥地 收豬種 泥飾牛馬屋 壓桑

西域志 天竺國以十月二十六日爲冬至。冬至則麥秀。  
歲時事要 十月天時和暖似春。花木重花。故曰小春。

占驗

禮記月令 孟冬行春令。則凍閉不密。地氣上泄。民多流  
亡。行夏令。則國多暴風。方冬不寒。蟄蟲復出。行秋令。則  
雪霜不時。小兵時起。土地侵削。

師曠占 五穀貴賤。常以十月朔日占。風從東來春賤。逆  
此者貴。

家塾事親 朔日值立冬。主災異。值小雪。有東風。春米賤。

西風春米貴。其日用斗量米。若綴在斗。來春陡貴。甚驗。  
又十月有三卯。糴平。無則穀貴。

農政全書十月立冬晴。則一冬多晴。雨則一冬多雨。亦  
多陰寒。諺云。賣絮婆子看冬朝。無風無雨哭號咷。立冬  
日西北風。主來年旱。天熱。晴過寒。諺云。立冬晴過寒。  
弗要極柴積。又主有魚。雨主無魚。諺云。一點雨。一個  
模魚鵠。冬前霜多。主來年旱。冬後多。晚禾好。十六  
日爲寒婆生日。晴主冬暖。此說得之。崇德舉人徐伯和。  
自江東石洞秩滿而歸。云彼中客旅遠出。專看此日。若  
晴暖則但隨身衣服而已。不必他備。言極有准也。月  
內有雷主災疫。有霧俗呼曰沫露。主來年水大。仍相去

二百單五日水至。老農咸謂極驗。或云要看霧著水面。則輕。離水面則重。諺云十月沫露塘濫。十一月沫露塘乾。冬初和暖。謂之十月小春。又謂之晒糯穀天。漸見天寒日短。必須夜作。諺云十月無工。只有梳頭吃飯工。又云河東西好使犁。河射角好夜作。立冬前後起南北風。謂之立冬信。月內風頻作。謂之十月五風信。諺云冬至前後。鴻水不走。

十一月

大雪 冬至

禮記月令仲冬之月。日在斗。昏東辟中。旦軫中。

注仲冬日月會于星紀。斗建子之辰。

又冰益壯。地益圻。鶡旦不鳴。虎始交。



陳澔曰。此記子月之候。鵲旦夜鳴。求旦之鳥。是月也。日短至。

陳澔曰。短至。短之極也。

又芸始生。荔挺出。蚯蚓結。麋角解。水泉動。

注芸與荔挺皆香草。結。屈也。解。脫也。水者。天一之陽所生。陽生而動。言枯涸者。漸滋發也。

漢書律歷志律中黃鐘。黃者。中之色。鐘者。種也。陽氣施種於黃泉。孳萌萬物。爲六氣元也。

三禮義宗十一月大雪爲節者。形於小雪爲大雪。時雪轉甚。故以大雪名節。

孝經說斗指子爲冬至。至有三義。一者。陰極之至。二者。

陽氣始至。三者日行南至。

四民月令 冬十一月糴秬稻粟豆麻子。

便民圖纂 十一月種大小麥稻。收割畢將田鋤成行壟。令四畔溝洫通水。下種以灰糞蓋之。諺云無灰不種麥。須灰糞均調爲上。宜雪壓易長。

務本新書 十一月種油菜。稻收畢鋤田如麥田法。既下菜種和水糞之。芟去其草再糞之。雪壓亦易長。明年初夏間收子取油甚香美。

齊民要術 冬十一月陰陽爭血氣散。冬至日先後各五日。寢別內外可釀醢糴秬稻粟豆麻子。此月如有雪則收貯雪水埋地中混穀種。倍收不怕。

栽種。小麥。油菜。萵苣。桑。

移植。松。栢。檜。

收藏。鹽水蘿蔔。牛旁子。豆餅。水果子。鹽菜。

宜冬至前。

澆培。石榴。柑。橘。橙。柚。梨。棗。柿。

雜事。做酒藥。接雜木。造農具。夾笆籬。澆菜。

伐木。斫竹。打豆油。置碎草牛脚下春糞。

盒芙蓉條。試穀種。鋤油菜。

占驗

禮記月令仲冬行夏令則其國乃旱氛霧冥冥雷乃發聲行秋令則天時雨汁瓜瓠不成國有大兵行春令則

蝗蟲爲敗。水泉咸竭。民多疥癩。

四時纂要

冬至數至元旦五十日者。民食足。

陶朱公書。冬至日觀雲。須于子時。至平旦觀之。若青雲北起。主歲稔。民安。赤雲主旱。黑雲主水。白雲主人災。黃雲大熟。無雲主凶。

又冬至日占風。若南風主穀貴。北風主歲稔。西風主禾熟。若東南風久。有重霧主水。西南風主久陰。諺云。冬至西南百日陰。半晴半雨到清明。

易通卦驗。冬至日謹候。見雲迎送。從其鄉來。歲美。民和。春秋感精符。南至有雲迎日。年豐之象。

尚書璇璣鈴。冬至陰雲禱寒。有雲迎日者。來歲大美。

欽定授時通考 卷六  
京房易占虹以冬至四十六日內出東方貫艮中春多旱夏多火災粟貴。

玉海開元十一年十一月癸酉日長至太史奏有雲迎日祥風至日有冠珥太平之嘉應。

紀歷撮要冬至前米價長貧兒受長養冬至前米價落貧兒轉消索。

清臺占法冬至後一日得壬炎旱千里二日得壬小旱三日得壬平四日得壬五穀豐五日得壬少水六日得壬大水七日得壬河決流八日得壬海翻騰九日得壬大熟十日至十二日得壬五穀不成。

農政全書十一月冬至諺曰乾冬濕年坐了種田又云。

開熱冬至冷淡年。蓋吳人尙冬至欲晴故也。或云冬至雨年必晴。冬至晴年必雨。此說頗准。

嘉興縣志冬至晴主來歲稔。

嘉定縣志十一月十七爲彌陀生日。忌南風。相傳有偈云。南風吹我面。有米也不賤。北風吹我背。無米也不貴。極驗。

沈存中筆談是月中遇東南風。謂之歲露。有大毒。若飢感其氣。開年著瘟病。又云風色多與下年夏至相對。

農桑輯要欲知來年五穀所宜。是日取諸種各平量一升。布囊盛之。埋窖陰地。後五日發取量之。息多者歲所宜也。

十二月

小寒 大寒

禮記月令季冬之月。日在婺女。昏婁中。旦氐中。

注季冬日月會于元枵。斗建丑之辰。

又雁北鄉。鵲始巢。雉雊雞乳。

陳澔曰。此記丑月之候。雊。雉鳴也。

又冰方盛。水澤腹堅。命取冰。

注腹。厚也。此月日在北陸。冰堅厚之時。

又日窮于次。月窮于紀。星廻于天。數將幾終。歲且更始。

又專而農民。毋有所使。

註言專一汝農民之心。令之豫有志于耕稼之事。不可徭役。徭役之則志散失業也。

國語及寒擊菟除田以待時耕。

註菟橐同。寒謂季冬大寒時也。

漢書律歷志律中大呂。呂旅也。言陰大旅助黃鍾。宣氣而牙物也。

後漢書禮儀志季冬之月。星迴歲終。陰陽以交。勞農大享臘。

註漢氏以午祖。以戌臘。午南方。故以祖。冬者歲之功。物畢成。故以戌臘。

白虎通大。大也。呂者拒也。言陽氣欲出。陰不許也。呂之爲言拒者。旅抑拒難之也。

三禮義宗小寒爲節者。亦形於大寒。故謂之小。言時寒。



氣猶未極也。

又大寒爲中者。上形於小寒。故謂之大。十一月一陽爻初起。至此始徹。陰氣出地方盡。寒氣併在上。寒氣之逆極。故謂大寒。

易通卦驗小寒合凍。蒼陽雲出氏。大寒降雪。黑陽雲出心。

風俗通臘者。所以迎刑送德也。大寒至。常恐陰勝。故以戌日臘。戌者溫氣也。

齊民要術十二月休農息役。惠必下浹。遂合耦田器。養耕牛。選任田者。以俟農事之起。去豬盍車骨。後三歲可合瘡膏藥。及臘日祀。炙籩。籩一作葦。燒飲。治刺入肉中。及樹瓜田中四角。去蝨蟲。

栽種 橘 松 花樹 麥宜臘 桑 絲麻

收藏 臘米 臘水 臘酒 臘肉 臘蔥 風魚

脯腊 臘糟 豬腊 冰

雜事 造農具 春米 春粉 浸米可止瀉痢 浸燈心

剝桑 壓果木 添桑泥 墩牡丹土 合臘藥

掃 以豬脂啗馬 臘水作麩糊標背不 伐竹

木

春稻必須冬時積日燥暴一夜置霜露中即春若冬春不乾即果青赤脈起不經霜不燥暴則米碎矣

范成大冬春行序臘日春米為一歲計多聚杵白盡臘

中畢事藏之土瓦倉中經年不壞謂之冬春米詩臘中

儲蓄百事利。第一先春年米計。羣呼步碓滿門庭。運杵成風雷動地。篩勻箕健無糲糠。百斛只費三日忙。齊頭圓潔箭子長。隔籬耀日雪生光。土倉瓦龕分蓋藏。不蠹不腐常新香。去年薄收飯不足。今年頓頓炊白玉。春耕有種夏有糧。接到明年秋刈熟。鄰叟來觀還歎嗟。貧人一飽不可賒。官租私債緣如麻。有米冬春能幾家。

占驗

禮記月令。季冬行秋令。則白露早降。介蟲爲妖。四鄙入保。行春令。則胎夭多傷。國多固疾。命之曰逆。行夏令。則水潦敗國。時雪不降。冰凍消釋。

陶朱公書。朔日值大雪。或冬至。皆主有災。風雨主麥好。

原书缺页

芝蔴。廉貞主麥。武曲主粳糯。破軍主赤豆。輔星主大荳。  
雜占。臘月柳眼青。主來年夏秋米賤。臘月雷鳴雪裡。主  
陰雨百日。又月內雷。主來年旱澇愆期。

紀歷撮要。冰結後水落。主來年旱。結後水漲。名上水冰。  
主水。若緊後來年大水。

又除夜東北風。五木大熟。

農政全書。冬天南風三兩日。必有雪。至後第三戌爲臘。  
臘前三兩番雪。謂之臘前三白。犬宜菜麥。諺云。臘雪是  
被春雪。是鬼。又主來年豐稔。諺云。一月見三白。田翁笑  
嚇嚇。又主殺蝗子。十二月謂之大禁月。忽有一日稍  
暖。卽是大寒之候。諺云。一日赤膊。三日齧齧。又云。大

寒須守火。無事不出門。又云。大寒無過丑寅。大熱無過未申。十二月立春在殘年。主冬暖。諺云。兩春夾一冬。無被暖烘烘。



欽定授時通考卷七

土宜

彙考

易泰卦輔相天地之宜。以左右民。

疏。天地之宜者。謂天地所生之物。各有其宜。若大司徒云。其動物植物。及職方云。揚州其貢宜稻麥。雍州其貢宜黍稷。人君輔助天地所宜之物。使各安其性。得其宜也。宜者據物言之。程傳。天地通泰。則萬物茂遂。人君體之而爲法制。使民用天時。因地利。輔助化育之功。成其豐美之利也。折中。蔡氏淵曰。春生秋殺。此時運之自然。高黍下稻。亦地勢之所宜。聖人則輔



相之。使當春而耕。當秋而斂。高者種黍。下者種稻。此輔相天地之宜也。

又繫辭觀鳥獸之文與地之宜。

疏地之宜者。若周禮五土。動物植物。各有所宜是也。春秋左傳先王疆理天下。物土之宜而布其利。

集解疆界也。理正也。物土之宜。播殖之物。各從土宜。

禮記王制自恆山至於南河。千里而近。冀州自南河至

於江。千里而近。豫州自江至於衡山。千里而遙。荊州自

東河至於東海。千里而遙。徐州自東河至於西河。千里

而近。亦冀州自西河至於流沙。千里而遙。雍州西不盡流

沙。南不盡衡山。東不盡東海。北不盡恆山。凡四海之內。

斷長補短。方三千里。爲田八十萬億一萬億畝。方百里者爲田九十億畝。山陵林麓川澤溝瀆城郭宮室塗巷三分去一。其餘六十億畝。

又月令善相邱陵阪險原隰土地所宜。五穀所殖。

**集說**土地有高下。五種有宜否。

又禮運聖王所以順。山者不使居川。不使渚者居中原而弗敝也。

**註**鄭氏曰。山者利其禽獸。渚者利其魚鹽。中原利其五穀。使各安其居。不易其利。

周禮地官大司徒以天下土地之圖。周知九州之地域。廣輪之數。辨其山林川澤邱陵墳衍原隰之名物。

〔註〕周。猶徧也。九州揚荆豫青兗雍幽冀并也。輪。從也。積石曰山。竹木曰林。注瀆曰川。水鍾曰澤。土高曰邱。大阜曰陵。水崖曰墳。下平曰衍。高平曰原。下溼曰隰。名物者。十等之名。與所生之物。〔疏〕釋曰。馬融云。東西爲廣。南北爲輪。案王制。南北兩近一遙。東西兩遙一近。是南北長。東西短。謂知此數也。又辨其山林川澤以下十等形狀名號。及所出之物也。九州揚荆以下。據職方周之九州而言。故有幽并無徐梁。禹貢據夏以前九州。故有徐梁無幽并也。積石曰山者。案詩云。節彼南山。維石巖巖。巖巖積石貌。鄭據此而言。按爾雅山邱別釋。則邱是純土。其山皆石。亦有兼土者。故

曰石戴土。謂之崔嵬。又周語云。夫山土之聚。是其山有土也。竹木曰林者。謂生平地。注瀆曰川者。按釋水云。注川曰谿。注谿曰谷。注谷曰溝。注溝曰澮。注澮曰瀆。彼注云。皆以小注大。此云注瀆曰川者。爾雅無此言。鄭以義增之耳。此瀆與四瀆義異。四瀆則亦川。故職方云。其川三江。其川江漢也。水鍾曰澤者。周語虞太子晉之言也。土高曰邱者。爾雅山邱別釋。則邱無石者也。大阜曰陵者。按爾雅釋地云。高平曰陸。大陸曰阜。大阜曰陵。大陸曰阿。可食者原。是陵與邱。高下異稱。皆無石者也。其有石者。亦曰陵。故左氏僖三十二年云。殺有二陵。是有石者也。水崖曰墳者。按爾雅

云重崖岸墳大防。是墳爲崖岸之峻者。故詩云。遵彼汝墳。是汝水之大防。亦是水崖曰墳也。下平曰衍者。墳旣水崖而高。明衍爲下平。此下平又與下溼曰隰者別也。高平曰原者。按爾雅云。高平曰原。廣平曰陸。此對下溼曰隰而言。其實高平卽廣平者也。下溼曰隰者。爾雅釋地文。

又。以土宜之灋。辨十有二土之名物。以相民宅。而知其利害。以阜人民。以毓草木。以任土事。辨十有二壤之物。而知其種。以教稼穡樹藝。

註。十二土。分野十二邦。上繫十二次。各有所宜也。相占視也。阜猶盛也。毓生也。任謂就地所生。因民所能。

壤亦土也。以萬物自生焉。則言土。以人所耕而樹藝焉。則言壤。壤和緩之貌。藝猶蒔也。疏辨十二壤之物者。分別物之所生。而知其所殖之種。遂卽以教民春稼秋穡。以樹其木。以藝其黍稷也。王氏曰。名所以命其土。則邱陵墳衍原隰之屬。物所以色其土。則青黎赤埴黑墳之屬。鄭鍔曰。壤所以種藝。然穀之種於此壤。則有宜有不宜。如冀之白壤。兗之黑墳。青之白墳。徐之赤埴。揚荆之塗泥。豫之墳壚。梁之青黎。雍之黃壤。則有宜稻者。宜麥者。宜五種者。宜三種者。不知其所宜。何以教民稼穡。周官辨之以土宜之法。旣別其名。又別其物。所以有土壤之殊也。

又地官土訓掌道地圖以詔地事。道地慝以辨地物。而原其生以詔地求。

**註**道說也。說地圖九州形勢山川所宜。若云荆揚地宜稻。幽并地宜麻。地慝若瘴蠱然也。辨其物者。別其所有所無。原其生。生有時也。

**孝經**分地之利。

朱子孝經刊誤本。分改作因。

**註**分別五土。視其高下。各盡所宜。此分地利也。**疏**五土。周禮大司徒。山陵川澤邱陵墳衍原隰也。謂庶人須能分別視此五土之高下。隨所宜而播種之。職方氏所謂青州。其穀宜稻粱。雍州。其穀宜黍稷之類是也。劉炫云。黍稷生於陸。苽稻生於水。又小學註陳氏

選曰高卑燥濕。生植農桑者。地之利也。辨地之宜。而稌黍菽麥。各遂其性。則所入有餘矣。

管子地者。政之本也。地之不可食者。百而當一。命之曰地均。

註政從地生。土地就中論不可食者而除之。紀其可食之實。

又辨於地利而民可富。

吳越春秋稷爲兒時。好種樹禾黍桑麻五穀。相五土之宜。青赤黃黑陵也。陸地也。水高下。粢稷黍禾藁麥豆稻各得

其理。

淮南子后稷墾草發苗。糞土樹穀。使五種各得其宜。因



地之勢也。

**通鑑外紀**黃帝畫野分州。以分星次。經地設井。以塞爭端。立步制畝。以防不足。

**大學衍義補**邱氏濬曰。臣按人君之治。莫先於養民。而民之所以得其養者。在稼穡樹藝而已。稼穡樹藝。地土各有所宜。故禹平水土。別九州。必辨其土之資與色。以定其田之等第。因其宜以興地利。制其等以定賦法。不責有於無。不取多於少。無非以爲民而已。

**又**臣按地土高下燥濕不同。而同於生物。生物之性雖同。而所生之物則有宜不宜焉。土性雖有宜不宜。人力亦有至不至。人力之至。亦或可以勝天。况地乎。宋太宗

詔江南之民種諸穀。江北之民種秔稻。真宗取占城稻種散諸民間。是亦裁成輔相以左右民之一事。今世江南之民皆雜蒔諸穀。江北民亦皆種秔稻。昔之秔稻。惟秋一收。今又有早禾焉。二帝之功。及民遠矣。後之有志於勤民者。宜倣宋主此意。通行南北。俾民兼種諸穀。有司以其勸相之數爲考課焉。

**農桑通訣**封畛之別。地勢遼絕。其間物產所宜者。往往而異。蓋風行地上。各有方位。土性所宜。因隨氣化。所以遠近彼此之間。風土各有別也。孟子謂后稷教民稼穡。樹藝五穀。謂之教民。意者不止教以耕耘播種而已。其亦因九州之別。土性之異。視其土宜而教之歟。今按禹

貢所載九州田土。土各有差。田各有等。山川阻隔。風氣不同。凡物之種。各有所宜。故宜於冀兗者。不可以青徐論。宜於荆揚者。不可以雍豫擬。此聖人所謂分地之利者也。周禮保章氏掌天星。以星土辨九州之地。淮南子分別五方星野。其土產名物。各有證驗。此天地覆載一定。古今不可易者。蓋其土地之廣。不外乎是。但所屬邊裔。不無遼絕。若能自內而外求。由近而及遠。則土產之物。皆可推而知之矣。大抵風土之說。總而言之。則方域之多。大有不同。詳而言之。雖一州之域。一縣一里之間。亦有幾種之分。似無多異。周禮大司徒以土會之法。辨五地之物生。辨十有二壤之物。而知其種。以教稼穡樹

藝草人掌土化之物。以物土相其宜。以爲之種。若今之善農者。審方域田壤之異。以分其類。參土化土會之法。以辨其種。如此可不失種土之宜。而能盡稼穡之利矣。農政全書。五地十二壤。周官舊法。此可通變用之者也。若謂土地所宜。一定不易。此則必無之理。立論若斯。固後世情竄之吏。游閒之民。媮不事事者之口實耳。古來蔬果。如頗稜。安石榴。海棠。蒜之屬。自外國來者多矣。今薑芋薺之類。移栽北方。其種特盛。亦向時所謂土地不宜者也。凡地方所無。或是昔無此種。或有之而偶絕。果若盡力樹藝。殆無不可宜者。就令不宜。或是天時未合。人力未至耳。試爲之。無事空言抵捍也。第其中亦有不

宜者。則是寒暖相違。天氣所絕。無關於地。若荔枝龍眼。不能踰嶺。橘柚橙柑。不能過淮。他若蘭茉莉之類。亦千百中之一二。吾意欲於農書中。載南北緯度。如云某地北極出地若干度。令知寒暖之宜。以辨土物。以興樹藝。庶爲得之。

欽定授時通考卷八

土宜

方輿圖說

方輿總圖說

江南圖說

福建圖說

河南圖說

西安圖說

廣東圖說

貴州圖說

直隸圖說

江西圖說

湖北圖說

山東圖說

甘肅圖說

廣西圖說

盛京圖說

浙江圖說


湖南圖說


山西圖說

四川圖說

雲南圖說

方輿總圖說









文獻通考。昔堯時禹別九州。至舜分爲十二州。周職方復分爲九州。而又與禹異。漢承秦分天下爲郡國。而復以十三州統之。晉時分州爲十九。自晉以後爲州窳多。所統窳狹。且建治之地亦不一所。南北分裂之後。務爲夸大。僑置諸州。離析磔裂。循名失實。而禹跡之九州。窳不復可考矣。夾漈鄭氏曰。州縣之設有時而更。山川之形。千古不易。故禹貢分州。必以山川定疆界。使兗州可移。而濟河之兗州不可移。梁州可遷。而華陽黑水之梁州不可遷。故禹貢爲萬世不易之書。後之作史者。主於郡縣。故州縣移易。其書遂廢矣。善哉言也。

原书缺页

直隸全圖



土宜圖說



分野考。順天府古幽州。尾箕分野。永平府古幽州。尾箕分野。保定府古幽州。尾箕分野。易州古幽州。尾箕分野。河間府古幽州。尾箕分野。天津府古幽州。尾箕分野。正定府古冀州。昂畢分野。冀州古冀州。昂畢分野。趙州古冀州。昂畢分野。深州古冀州。昂畢分野。定州古冀州。昂畢分野。順德府古冀州。昂畢分野。廣平府古冀州。昂畢分野。大名府古冀州。兗二州。室壁分野。宣化府古幽州。尾箕分野。

一統志。地勢寬厚。關塞險固。總握中原之夷曠者。莫過燕薊。雖云長安有峭函之固。洛邑爲天下之中。要之帝王都會。億萬年悠久之業。莫燕薊若矣。


又水有九河滄溟之雄。山有太行居庸之固。玉泉之流。

原书缺页



朝鮮界

北京全圖



大正三年五月  
土宜圖說  
六



分野考。奉天府古冀青二州。箕尾分野。錦州府古冀青二州。箕尾分野。

一統志。滄海朝宗。白山拱峙。渾河遼水。遶帶西南。黑水混同。襟環東北。控制諸邦。跨馭六合。允

帝業之根本。洵留守之雄都也。


又西接畿輔。東控朝鮮。瀕瀛海以帶龍江。俯登萊而通朔漠。此其大勢然也。司民牧者。兩郡攸分。統軍政者。三鎮是賴。旣星羅以碁布。因畫井以分疆。念


王業之所基。苞桑培及于萬世。知邊防之爲重。屏翰永拱于

神京矣。



# 江南全省圖





大清一統志


卷八十五  
土宜 圖說

八


分野考。江寧府古揚州。斗分野。蘇州府古揚州。斗分野。太倉州古揚州。斗分野。松江府古揚州。斗分野。常州府古揚州。斗分野。鎮江府古揚州。斗分野。淮安府古揚州。斗分野。海州古徐州。奎婁分野。揚州府古揚州。斗分野。通州古揚州。斗分野。徐州府古豫州。房心分野。安慶府古揚州。斗分野。徽州府古揚州。斗分野。寧國府古揚州。斗分野。池州府古揚州。斗分野。太平府古揚州。斗分野。廬州府古揚州。斗分野。六安州古揚州。斗分野。鳳陽府古揚州。斗分野。泗州古徐州。斗分野。潁州府古豫州。房心分野。和州古揚州。斗分野。滁州古揚州。斗分野。廣德州古揚州。斗分野。

江南通志鍾茅八公天柱九華黃塗潛霍山之作鎮而著名者不可勝數。黃河江淮運河三江泗海潁睢淝滁水之經行而浸衍者不可勝數。數則震澤巢湖洮湖關則東關清流二峴名都雄鎮襟帶江淮。

# 江西全省圖



土宜圖說





分野考。南昌府古揚州。斗分野。饒州府古揚州。斗分野。廣信府古揚州。斗分野。南康府古揚州。斗分野。九江府古揚州。斗牛分野。建昌府古揚州。斗分野。撫州府古揚州。斗分野。臨江府古揚州。斗分野。吉安府古揚州。斗分野。瑞州府古揚州。斗分野。袁州府古揚州。斗分野。贛州府古揚州。斗分野。南安府古揚州。斗分野。


一統志東接閩浙。西連荆蜀。北踰淮汴。以達于京師。據嶺海之全。斥交廣之境。提封數千里。此江右之大較也。


大正愛時題考

士宜 圖說

七

浙江全省圖






分野考。杭州府古揚州。斗分野。嘉興府古揚州。斗分野。湖州府古揚州。斗牛分野。寧波府古揚州。牛女分野。紹興府古揚州。牛女分野。台州府古揚州。牛女分野。金華府古揚州。牛女分野。衢州府古揚州。牛女分野。嚴州府古揚州。牛女分野。溫州府古揚州。斗牛女分野。處州府古揚州。斗分野。

一統志。崇山巨嶺。所在限隔。然嘉湖二郡。實與江淮相表裏。嚴衢二郡。實與徽饒爲鄰郊。左接信都。右連閩關。大海東蟠。繞出淮揚之城。四通八達之區也。

又山川秀發。風土清佳。民人視爲樂郊。遊客引爲福地。東晉以後。風流掩映。粵自有宋。建都臨安。景物之嘉。甲

原书缺页

福建全省圖



原书缺页



分野考。福州府古揚州。牛女分野。泉州府古揚州。牛女  
分野。建寧府古揚州。牛女分野。延平府古揚州。牛女分  
野。汀州府古揚州。牛女分野。興化府古揚州。牛女分野。  
邵武府古揚州。牛女分野。漳州府古揚州。牛女分野。福  
寧府古揚州。牛女分野。永春州古揚州。牛女分野。龍巖  
州古揚州。牛女分野。臺灣府古海外地。牛女分野。  
福建通志。閩地幅幘廣輪之數。計四千餘里。控豫引閩。  
互爲脣齒。福泉四郡。則襟帶大海。長溪汀邵諸處。綿互  
崇岡。建劍則溪灘互相環抱。實爲兩浙之鎖鑰。區分障  
扼。繡錯綺分。以云形勢。可謂備矣。



原书缺页

原书缺页

原书缺页


欽定受寺通考

卷八 土宜

圖說

七

# 湖南省圖







分野考長沙府古荊州。翼軫分野。岳州府古荊州。翼軫  
分野。澧州古荊州。翼軫分野。寶慶府古荊州。翼軫分野。  
衡州府古荊州。翼軫分野。桂陽州古荊州。翼軫分野。常  
德府古荊州。翼軫分野。辰州府古荊州。翼軫分野。沅州  
府古荊州。翼軫分野。永州府古荊州。翼軫分野。靖州古  
荊州。軫分野。郴州古荊州。翼軫分野。永順府古荊州。翼  
軫分野。

廣輿記湖廣大江中貫。五溪外錯。衡岳爲鎮。洞庭雲夢  
爲池。此形勢之大槩也。辰沅南蔽滇黔。郴永上連兩粵。  
地之四通五達。莫楚若矣。


大正愛寺直考


卷八 土宜

圖說

七

# 河南全省圖







原书缺页



# 山東全省圖







分野考。濟南府古青州。危分野。泰安府古青州。危分野。武定府古青州。危分野。兗州府古徐兗二州。奎婁分野。沂州府古徐兗二州。奎婁分野。曹州府古徐兗二州。奎婁分野。東昌府古兗州。危室分野。青州府古青州。虛危分野。登州府古青州。危分野。萊州府古青州。危分野。安東衛古徐州。奎婁分野。


山東通志。南連清濟。北接滄瀛。右控平原。左環渤海。所以屏藩畿甸。權衡南北也。襟帶齊河。控援魏博。舟車四達。迄爲要津。

次定受寺通考

卷八土宜圖說

三三

# 山西全省圖





分野考。太原府古冀州。參井分野。平定州古冀州。參井  
分野。忻州古冀州。參井分野。代州古冀州。參井分野。保  
德州古冀州。參井分野。平陽府古冀州。觜參分野。蒲州  
府古冀州。觜參分野。解州古冀州。觜參分野。絳州古冀  
州。觜參分野。吉州古冀州。觜參分野。隰州古冀州。觜參  
分野。潞安府古冀州。參井分野。汾州府古冀州。參分野。  
沁州古冀州。參分野。澤州府古冀州。觜參分野。遼州古  
冀州。參井分野。大同府古冀州。昴畢分野。寧武府古  
冀州。昴畢分野。朔平府古冀州。昴畢分野。

一統志。左有恒山之險。右有大河之固。


襟四塞。


衝控五原之都邑。

土瘠民貧。勤儉朴質。憂深思遠。

堯之遺風。人物殷阜。不甚機巧。然頗勁悍。習於戎馬。前代以來。亦多文雅之士。

# 西安省圖








分野考。西安府古雍州。并鬼分野。商州古雍州。并鬼分野。同州府古雍州。并鬼分野。乾州古雍州。并鬼分野。邠州古雍州。并鬼分野。鳳翔府古雍州。并鬼分野。漢中府古雍梁二州。并鬼翼軫分野。興安州古雍梁二州。并鬼翼軫分野。延安府古雍州。并鬼分野。鄜州古雍州。并鬼分野。綏德州古雍州。并鬼分野。榆林府古戎狄地。


一統志。關中形勝。西自崑崙發脉。落于三輔。長河自西北而南。華嶽自西而東。會于潼關。關鎖之密。天下莫並。

土宜

圖說

甘肅省圖






分野考。蘭州府古雍州。西羌地。平涼府古雍州。井鬼分  
野。鞏昌府古雍州。井鬼分野。階州古雍梁二州。井鬼翼  
軫分野。秦州古雍州。井鬼分野。臨洮府古雍州。井鬼分  
野。慶陽府古雍州。井鬼分野。寧夏府古雍州。井鬼分野。  
西寧府古雍州。井鬼分野。涼州府古雍州。井鬼分野。甘  
州府古雍州。井鬼分野。肅州古雍州。井鬼分野。安西古  
雍州。西羌地。靖逆衛古雍州。西羌地。洮州衛古雍州。井  
鬼分野。

廣輿記。慶陽平涼近邊臨洮鞏昌鄰接羌番洮岷西寧  
地入西羌。甘涼以西暨肅州籍爲內地藩蔽。猶榆林之  
蔽延安。花馬池之蔽慶陽。固原之蔽平涼。莊浪之蔽臨

洮岷文之蔽鞏昌焉爾。



# 四川全省圖







分野考。成都府古梁州。井鬼分野。資州古梁州。井鬼分  
野。綿州古梁州。井鬼分野。茂州古梁州。井鬼分野。寧遠  
府古梁州。井鬼分野。保寧府古梁州。井鬼分野。順慶府  
古梁州。參井分野。敘州府古梁州。井鬼分野。重慶府古  
梁州。井鬼分野。酉陽州古梁州。井鬼分野。忠州古梁州。  
井鬼分野。夔州府古荆梁二州。翼軫分野。達州古荆梁  
二州。翼軫分野。龍安府古梁州。井鬼分野。潼川府古梁  
州。井鬼分野。眉州古梁州。井鬼分野。嘉定府古梁州。井  
鬼分野。邛州古梁州。井鬼分野。瀘州古梁州。井鬼分野。  
雅州府古梁州。井鬼分野。越雋衛古梁州。井鬼分野。

一統志。褒斜爲前門。熊耳爲后戶。緣以劍閣。阻以石門。

東連荆楚。北接秦隴。南撫蠻部。西控吐蕃。屹然天府也。

# 廣東全省圖





分野考。廣州府古揚州南境。牛女分野。連州古揚州。牛女分野。韶州府古揚州。牛女分野。南雄府古揚州。牛女分野。惠州府古揚州。牛女分野。潮州府古揚州。牛女分野。嘉應州古揚州。牛女分野。肇慶府古揚州南境。牛女分野。高州府古南越地。牛女分野。廉州府古南越地。翼軫分野。雷州府古百粵地。牛女分野。瓊州府古百粵地。牛女分野。羅定州古揚州南境。牛女分野。

一統志。大庾聳其巔。漲海浸其趾。羅浮爲其鎮。諸山羅列。若兒孫焉。諸水環繞。若襟帶焉。洋洋乎南天之巨鎮也。

欽定受寺通考

卷八 土宜

圖說

三


# 廣西全省圖



全

廣


三





分野考。桂林府古荊州。翼軫分野。柳州府古百粵地。翼軫分野。慶遠府古百粵地。翼軫分野。思恩府古百粵地。泗城府古百粵地。西隆州古蠻夷地。平樂府古荊州。翼軫分野。梧州府古荊州。牛女分野。鬱林州古百粵地。翼軫分野。潯州府古百粵地。翼軫分野。南寧府古揚州西南境。翼軫分野。太平府古南粵地。思明府古百粵地。鎮安府古百粵地。

廣西通志。東錯廣東。西際滇黔。南界交陞。北連永寶。幅幘之廣。輪延袤數千里。萬山戟立。三江帶盤。允爲中土之屏障。



水經

卷


土宜

圖說

三

# 雲南全省圖






分野考。雲南府古梁州。井鬼分野。大理府古梁州。井鬼  
分野。臨安府古梁州。井鬼分野。楚雄府古梁州。井鬼分  
野。澂江府古梁州。井鬼分野。景東府古柘南地。廣南府  
宋名特磨道。廣西府古梁州界。順寧府本蒲蠻之地。曲  
靖府古梁州。井鬼分野。姚安府本滇國地。鶴慶府東漢  
屬永昌郡。武定府古梁州。井鬼分野。麗江府古梁州。井  
鬼分野。元江府古西南夷極邊之地。普洱府古西南夷  
極邊地。蒙化府漢爲益州郡地。永昌府古梁州。西南徼  
外之地。古哀牢國。永北府古白國地。開化府漢爲句町  
國邊地。東川軍民府古梁州。參分野。威遠府唐南詔銀  
生府之地。鎮沅府古西南極邊。昭通府古西南極邊地。

原书缺页


貴州全省圖



全圖

卷八

三





分野考。貴陽府古荆梁二州南境。參井分野。思州府古黔中地。思南府古荆州荒裔。鎮遠府古荆州南境。石阡府古荆州南裔。銅仁府古荆州南裔。星分野。黎平府古荆州荒裔。翼軫之餘分野。安順府古荒服地。南龍府古梁州。井鬼分野。都勻府古西南夷地。平越府古荆揚南境。大定府古羅甸鬼國。遵義府古梁州。井鬼分野。

一統志居天下之西南。東阻五溪。西控六詔。南連百粵。北踞三巴。上則盤江旋繞。下則灘溪順流。路繞羊腸。關雄虎踞。